



02234

春秋公羊傳

漢何

明閔齊伋裁註



昭公

元年春王正月公即位

叔孫豹會晉趙武楚公子圍齊國酌宋向戌
衛石惡陳公子招蔡公孫歸生鄭軒虎許人
曹人于濶傳此陳侯之弟招也何以不稱弟

春秋

公羊傳

昭公

稽古樓

貶曷為貶為殺世子偃師貶曰陳侯之弟招
殺陳世子偃師大夫相殺稱人此其稱名氏
以殺何言將自是弑君也今將爾詞曷為與
親弑者同君親無將將而必誅焉然則曷為
不於其弑焉貶以親者弑然後其罪惡甚春
秋不待貶絕而罪惡見者不貶絕以見罪惡
也貶絕然後罪惡見者貶絕以見罪惡也今
招之罪已重矣曷為復貶乎此著招之有罪

也何著乎招之有罪言楚之託乎討招以滅

陳也

酌左穀作弱石左穀作齊軒左穀作罕潔左作號穀作郭

殺偃師此八年事舉八年經文据殺偃師

猶不貶也世子者君之副貳今而殺之明

其從是以後有弑君之心故稱其名氏不

作兩下相殺辭矣欲弑君故令與弑君而

立者同文

三月取運傳運者何內之邑也其言取之何

春秋

公羊 昭公

二 稽古樓

不聽也

不聽者叛也

夏秦伯之弟鍼出奔晉傳秦無大夫此何以

書仕諸晉也曷為仕諸晉有千乘之國而不

能容其母弟故君子謂之出奔也

仕諸晉也者為仕之於晉書也弟賢當任

用之不肖當安處之乃仕之他國與逐之

無異故云出奔

六月丁巳邾婁子華卒

晉荀吳帥師敗狄于大原傳此大鹵也曷為

謂之大原地物從中國邑人名從主人原者

何上平曰原下平曰隰原左作鹵

古史文及夷狄之人皆謂之大鹵而今經

與師讀皆謂之大原故難之地物從中國

者以中國形各言之所以曉中國教殊俗

也此地形勢高大而廣平故謂之大原云

春秋公羊傳

昭公

三

稽古樓

邑人名從主人者不若地物有形名可得

正故從夷狄辭言之

秋莒去疾自齊入于莒

莒展出奔吳

左作展與

叔弓帥師疆運田傳疆運田者何與莒為竟

也與莒為竟則曷為帥師而往畏莒也

與莒為竟若言與莒人造作竟界

葬邾婁悼公

冬十有一月己酉楚子卷卒

楚公子比出奔晉

二年春晉侯使韓起來聘

夏叔弓如晉

秋鄭殺其大夫公孫黑

冬公如晉至河乃復傳其言至河乃復何不

敢進也

季孫宿如晉

春秋公羊昭公

三年春王正月丁未滕子泉卒泉左穀作原

夏叔弓如滕五月葬滕成公

秋小邾婁子來朝

八月大雩

冬大雨雹

北燕伯款出奔齊

四年春王正月大雨雪

夏楚子蔡侯陳侯鄭伯許男徐子滕子頓子

四 稽古樓

胡子沈子小邾婁子宋世子佐淮夷會于申
楚人執徐子

秋七月楚子蔡侯陳侯許男頓子胡子沈子
淮夷伐吳執齊慶封殺之傳此伐吳也其言
執齊慶封何為齊誅也其言齊誅奈何慶封
走之吳吳封之於防然則曷為不言伐防不
與諸侯專封也慶封之罪何脅齊君而亂齊
國也

春秋

公羊傳

昭公

五

稽古樓

遂滅厲

左作賴

九月取鄆傳其言取之何滅之也滅之則其
言取之何內大惡諱也

冬十有二月乙卯叔孫豹卒

五年春王正月舍中軍傳舍中軍者何復古
也然則曷為不言三卿五亦有中三亦有中

此解襄十一年作三軍意作時益中軍不

言中軍者五亦有中三亦有中不知何中

也今此据上作三軍不言中則益三之中
舍三之中皆可知也

楚殺其大夫屈申

公如晉

夏莒牟夷以牟婁及防茲來奔傳莒牟夷者
何莒大夫也莒無大夫此何以書重地也其
言及防茲來奔何不以私邑累公邑也

累次也義不可使臣邑與君邑相次序故

春秋

公羊傳

昭公

六

稽古樓

言及以絕之

秋七月公至自晉

戊辰叔弓帥師敗莒師于濇泉傳濇泉者何
直泉也直泉者何涌泉也

蓋戰而涌爲異也

秦伯卒傳何以不名秦者夷也匿嫡之名也

其名何嫡得之也

匿嫡之名者嫡子生以不名令於四竟擇

勇猛者而立之其名何者据秦伯啜秦伯
稻名獨帶稻以嫡得立也

冬楚子蔡侯陳侯許男頓子沈子徐人越人
伐吳

六年春王正月杞伯益姑卒

葬秦景公

夏季孫宿如晉

葬杞文公

春秋公羊昭公

宋華合比出奔晉

秋九月大雩

楚薳頗帥師伐吳

冬叔弓如楚

齊侯伐北燕

七年春王正月暨齊平

三月公如楚

叔孫舍如齊蒞盟

夏四月甲辰朔日有食之

秋八月戊辰衛侯惡卒

九月公至自楚

冬十有一月癸未季孫宿卒

十有二月癸亥葬衛襄公

八年春陳侯之弟招殺陳世子偃師

夏四月辛丑陳侯溺卒

叔弓如晉

春秋

公羊傳

昭公

八

稽古樓

楚子執陳行人于徵師殺之

陳公子畱出奔鄭

秋蒐于紅魯蒐者何簡車徒也何以書蓋以罕書也

罕書也

陳人殺其大夫公子過

大雩

冬十月壬午楚師滅陳執陳公子招放之于

越殺陳孔瑗

葬陳哀公

九年春叔弓會楚子于陳

許遷于夷

夏四月陳火傳陳已滅矣其言陳火何存陳也曰存陳悌矣曷為存陳滅人之國執人之罪人殺人之賊葬人之君若是則陳存悌矣書火以存陳者若曰陳為天所存悲之罪

人招也孔瑗弑君賊也

春秋

公羊傳

昭公

九

稽古樓

秋仲孫矍如齊

冬築郎囿

十年春王正月

夏晉欒施來奔

秋七月季孫隱如叔弓仲孫矍帥師伐莒

戊子晉侯彪卒

九月叔孫舍如晉葬晉平公

十有二月甲子宋公戌卒

十有一年春正月叔弓如宋葬宋平公

夏四月丁巳楚子虔誘蔡侯般殺之于申傳

楚子虔何以名絕曷為絕之為其誘討也此

討賊也雖誘之則曷為絕之懷惡而討不義

君子不予也

般弑父而立使不自知而死故加誘左氏

傳云醉而殺之是也

楚公子棄疾帥師圍蔡

春秋

公羊

昭公

十

稽古樓

五月甲申夫人歸氏薨

大蒐于比蒲傳大蒐者何簡軍徒也何以書

蓋以罕書也

仲孫矪會邾婁子盟于侵羊

秋季孫隱如會晉韓起齊國酌宋華亥衛北

宮佗鄭軒虎曹人杞人于屈銀隱左穀作意

九月己亥葬我小君齊歸傳齊歸者何昭公

之母也

歸氏胡女襄公夫人初至不書蓋爲世子

時娶

冬十有一月丁酉楚師滅蔡執蔡世子有以歸用之傳此未踰年之君也其稱世子何不君靈公不成其子也不君靈公則曷爲不成其子誅君之子不立非怒也無繼也惡乎用之用之防也其用之防奈何蓋以築防也有

友作

春秋

公羊



昭公

十一

稽古樓

靈公卽般坐弑父誅不得爲君也怒遷怒

義見莊四年傳無繼者父誅子當絕也用

之防持其足以頭築防也惡不以道

十有二年春齊高偃帥師納北燕伯于陽傳

伯于陽者何公子陽生也子曰我乃知之矣

在側者曰子苟知之何以不葺曰如爾所不

知何春秋之信史也其序則齊桓晉文其會

則主會者爲之也其詞則邱有罪焉爾

子謂孔子乃是歲也時孔子年二十三
具知其事後作春秋案史記知公誤爲伯
子誤爲子陽在生刊革更也唯齊桓晉文
會能以德優劣國大小相次序非齊桓晉
文則知主會者爲之雖優劣大小相越不
改更信史也其貶絕譏刺之辭有所失者
是邱之罪聖人德盛尚謙故云爾

三月壬申鄭伯嘉卒

春秋

公羊傳

昭公

十一

稽古樓

夏宋公使華定來聘

公如晉至河乃復

五月葬鄭簡公

楚殺其大夫成然

秋七月

冬十月公子整出奔齊

整左蒙

楚子伐徐

晉伐鮮虞

十有三年春叔弓帥師圍費

夏四月楚公子比自晉歸于楚弑其君虔于乾谿傳此弑其君其言歸何歸無惡於弑立也歸無惡於弑立者何靈王為無道作乾谿之臺三年不成楚公子棄疾脅比而立之然後令于乾谿之役曰比已立矣後歸者不得復其田里眾罷而去之靈王經而死

歸者出入無惡之文今君弑而言歸故難

春秋

公羊傳

昭公

十三

稽古樓

之也比本無弑君而立之意所以書其歸者正以弑虔之時比無惡也

楚公子棄疾弑公子比傳比已立矣其稱公子何其意不當也其意不當則曷為加弑焉爾比之義宜乎效死不立大夫相殺稱人此其稱名氏以弑何言將自是為君也

二十三年秋尹氏立王子朝尹氏貶子朝

不貶者年未滿十歲未知欲富貴不當坐

然則子朝之意與此相似子朝不貳而比
加弑故難之也將自是為君故使與弑君
而立者同文

秋公會劉子晉侯齊侯宋公衛侯鄭伯曹伯
莒子邾婁子滕子薛伯杞伯小邾婁子于平
邱八月甲戌同盟于平邱公不與盟晉人執
季孫隱如以歸公至自會傳公不與盟者何
公不見與盟也公不見與盟大夫執何以致
春秋公羊傳昭公十四稽古樓
會不恥也曷為不恥諸侯遂亂反陳蔡君子
不恥不與焉

諸侯將征棄疾棄疾乃封陳蔡之君使說
諸侯諸侯從陳蔡之君言還反不復討楚
楚亂遂成故云爾

蔡侯廬歸于蔡陳侯吳歸于陳傳此皆滅國
也其言歸何不與諸侯專封也

冬十月葬蔡靈公

公如晉至河乃復

吳滅州來

十有四年春隱如至自晉

三月曹伯滕卒

夏四月

秋葬曹武公

八月莒子去疾卒

冬莒殺其公子意恢

春秋

公羊傳

昭公

五

稽古樓

十有五年春王正月吳子夷昧卒

二月癸酉有事于武宮籥入叔弓卒去樂卒

事傳其言去樂卒事何禮也君有事于廟聞

大夫之喪去樂卒事大夫聞君之喪攝主而

往大夫聞大夫之喪尸事畢而往

卒事畢竟祭事也主謂已主祭者攝行主

事而往不廢祭者古禮也禮大夫祭謂之

賓尸尸事畢而往賓尸事畢而往也

夏蔡昭吳奔鄭

六月丁巳朔日有食之

秋晉荀吳帥師伐鮮虞

冬公如晉

十有六年春齊侯伐徐

楚子誘戎曼子殺之圍楚子何以不名夷狄

也相誘君子不疾也曷為不疾若不疾乃疾之

也

春秋

公羊傳

昭公

十六

稽古樓

以為固當然者乃所以為惡也

夏公至自晉

秋八月己亥晉侯夷卒

九月大雩

季孫隱如如晉

冬十月葬晉昭公

十有七年春小邾婁子來朝

夏六月甲戌朔日有食之

秋鄰子來朝

八月晉荀吳帥師滅冀渾戎

冬有星孛于大辰傳孛者何彗星也其言于大辰何在大辰也大辰者何大火也大火爲大辰伐爲大辰北辰亦爲大辰何以書記異也

三季皆發問者或言入或言于或言方嫌

爲孛異猶問錄之大火謂心也伐謂參伐

春秋

公羊傳

昭公

十七

稽古樓

也伐在參旁與參連體而六星故言參伐

伐與參爲一候故也大火與伐天所以示

民時早晚天下所取正故謂之大辰辰時

也北辰北極天之中也常居其所迷惑不

知東西者須視北辰以別心伐所在故加

亦亦者兩相須之意

楚人及吳戰于長岸傳詐戰不言戰此其言

戰何敵也

俱無勝負不可言敗故言戰

十有八年春王三月曹伯須卒

夏五月壬午宋衛陳鄭災傳何以書記異也何異爾異其同日而俱災也外異不書此何以書為天下記異也

六月邾婁人入郕

秋葬曹平公

冬許遷于白羽

春秋

公羊傳

昭公

十八

稽古樓

十有九年春宋公伐邾婁

夏五月戊辰許世子止弑其君買

己卯地震

秋齊高發帥師伐莒

冬葬許悼公傳賊未討何以書葬不成于弑

也曷為不成于弑止進藥而藥殺也止進藥

而藥殺則曷為加弑焉爾譏子道之不盡也

其譏子道之不盡奈何曰樂正子春之視疾

也復加一飯則脫然愈復損一飯則脫然愈
復加一衣則脫然愈復損一衣則脫然愈止
進藥而藥殺是以君子加弑焉爾曰許世子
止弑其君買是君子之聽止也葬許悼公是
君子之赦止也赦止者免止之罪辭也

時悼公病止進藥悼公飲藥而死也樂正

子春曾子弟子脫然疾除貌言消息得其

節也聽止者聽治止罪赦止者原止本欲

春秋

公羊傳

昭公

十九

稽古樓

愈父之病無害父之意故赦之

二十年春王正月

夏曹公孫會自鄭出奔宋傳奔未有言自者

此其言自何畔也畔則曷為不言其畔為公

子喜時之後諱也春秋為賢者諱何賢乎公

子喜時讓國也其讓國奈何曹伯廬卒于師

則未知公子喜時從與公子負芻從與或為

主于國或為主于師公子喜時見公子負芻

之當主也逡巡而退賢公子喜時則曷爲爲
會諱君子之善善也長惡惡也短惡惡止其
身善善及子孫賢者子孫故君子爲之諱也

鄭音夢
穀作夢

曹伯廬卒在成十三年喜時曹伯廬弟負

芻喜時庶兄古者諸侯師出世子率輿守

國次宜爲君者持棺絮從所以備不虞或

時疾病相代行本史文不具故傳疑之

春秋

公羊傳

昭公

二十

稽古樓

秋盜殺衛侯之兄輒傳母兄稱兄何以不

立有疾也何疾爾惡疾也

冬十月宋華亥向甯華定出奔陳

十有一月辛卯蔡侯廬卒

二十有一年春王三月葬蔡平公

夏晉侯使士鞅來聘

宋華亥向甯華定自陳入于宋南里以畔傳

宋南里者何若曰因諸者然

因諸者齊故刑人之地公羊子齊人故以齊喻也周曰圍齊曰因諸

秋七月壬午朔日有食之

八月乙亥叔痊愈卒

冬蔡侯朱出奔楚

公如晉至河乃復

二十有二年春齊侯伐莒

采華亥向甯華定自宋南里出奔楚

春秋公羊昭公

三 稽古樓

大蒐于昌姦

夏四月乙丑天王崩六月叔鞅如京師葬景

王

王室亂何言乎王室亂言不及外也

宮謂之室刺周室之微邪庶並篡無諸侯

之助匹夫之救如一家之亂也變京師成

周言王室者正王以責諸侯也

劉子單子以王猛居于皇傳其稱王猛何當

國也

未踰年當稱子時欲當王者位故稱王猛
見當國也

秋劉子單子以王猛入于王城傳王城者何
西周也其言入何篡辭也

時雖不入成周已得京師地半稱王置官
自號西周不言西周者正無二京師也春
秋之義立納入皆為篡辭故此謂人為篡

春秋

公羊

昭公

三

稽古樓

辭矣

冬十月王子猛卒傳此未踰年之君也其稱
王子猛卒何不與當也不與當者不與當父
死子繼兄死弟及之辭也

据子卒不言名外未踰年君不當卒故問
也春秋篡成者皆與使當君之父死子繼
兄死弟及者篡所緣得位成為君辭也猛
未悉得京師未得成王又外未踰年君三

者皆不當卒又名者非與使當成爲君也

十有二月癸酉朔日有食之

二十有三年春王正月叔孫舍如晉

癸丑叔鞅卒

晉人執我行人叔孫舍

晉人圍郊傳郊者何天子之邑也曷爲不繫

于周不與伐天子也

春秋公羊昭公

夏六月蔡侯東國卒于楚

秋七月莒子庚與來奔

戊辰吳敗頓胡沈蔡陳許之師于雞父胡子

髡沈子楹滅獲陳夏齧傳此偏戰也曷爲以

詐戰之辭言之不與夷狄之主中國也然則

曷爲不使中國主之中國亦新夷狄也其言

滅獲何別君臣也君死于位曰滅生得曰獲

大夫生死皆曰獲不與夷狄之主中國則其

言獲陳夏齏何吳少進也

夏戶雅反
齏五結反

春秋之例偏戰者曰詐戰者月今此書日而從詐戰辭言敗故問之也序上言戰別客主人直不直也主人直則主序上若客直則客序上今吳人序其上而言戰則是吳人爲主中國之辭不得言戰直言敗而已故曰不與夷狄之主中國也中國所以異於夷狄者以其能尊尊也王室亂莫肯救君臣上下壞亂亦新有夷狄之行故不使主之吳能結日偏戰行少進故從中國辭治之言獲也

天王居于狄泉傳此未三年其稱天王何著有天子也

時庶孽並篡天王失位徙居微弱甚故急著正其號明天下當救其難而事之

尹氏立王子朝

春秋

公羊傳

昭公

二十

稽古樓

八月乙未地震

冬公如晉至河公有疾乃復傳何言乎公有疾乃復殺恥也

因有疾以殺畏晉之恥

二十有四年春王二月丙戌仲孫矍卒

叔孫舍至自晉

夏五月乙未朔日有食之

秋八月大雩

春秋公羊昭公

玉

稽古樓

丁酉杞伯鬱釐卒

冬吳滅巢

葬杞平公

二十有五年春叔孫舍如宋

夏叔倪會晉趙鞅宋樂世心衛北宮喜鄭游

吉曹人邾婁人滕人薛人小邾婁人于黃父

世左穀

作太

有鸛鶴來巢傳何以書記異也何異爾非中

國之禽也宜穴又巢也

音權

宜穴反巢者自下居上之徵

秋七月上辛大雩季辛又雩傳又雩者何又雩者非雩也聚眾以逐季氏也

九月己亥公孫于齊次于揚州齊侯唁公于

野井傳唁公者何昭公將弑季氏告子家駒

曰季氏為無道僭於公室久矣吾欲弑之何

如子家駒曰諸侯僭於天子大夫僭於諸侯

春秋

公羊

昭公

三

稽古樓

久矣昭公曰吾何僭矣哉子家駒曰設兩觀

乘大路朱干玉戚以舞大夏八佾以舞大武

此皆天子之禮也且夫牛馬維婁委已者也

而柔焉季氏得民眾久矣君無多辱焉昭公

不從其言終弑而敗焉走之齊齊侯唁公于

野井曰奈何君去魯國之社稷昭公曰喪人

不佞失守魯國之社稷執事以羞再拜頽慶

子家駒曰慶子免君於大難矣子家駒曰臣

不佞陷君於大難君不忍加以鈇鑕賜之以死再拜頽高子執筮食與四脰脯國子執壺漿曰吾寡君聞君在外餒饗未就敢致糗于從者昭公曰君不忘吾先君延及喪人錫之以大禮再拜稽首以袵受高子曰有夫不祥君無所辱大禮昭公蓋祭而不嘗景公曰寡人有不腆先君之服未之敢服有不腆先君之器未之敢用敢以請昭公曰喪人不佞

春秋

公羊傳

昭公

三

稽古樓

失守魯國之社稷執事以羞敢辱大禮敢辭景公曰寡人有不腆先君之服未之敢服有不腆先君之器未之敢用敢固以請昭公曰以吾宗廟之在魯也有先君之服未之能以服有先君之器未之能以出敢固辭景公曰寡人有不腆先君之服未之敢服有不腆先君之器未之敢用請以饗乎從者昭公曰喪人其何稱景公曰孰君而無稱昭公於是噉

然而哭諸大夫皆哭既哭以人為酋以芻為
席以鞶為几以遇禮相見孔子曰其禮與其

辭足觀矣

嬰音呂己音紀喪難從並去聲
鉄音甫食音嗣噉同叫辭音覓

傳言弑者從昭公之辭昭公素畏季氏意
者以為如人君故言弑禮天子外闕兩觀

諸侯內闕一觀大夏夏樂也繫馬曰維繫

牛曰婁季氏專賞罰得民眾之心已久民

順從之猶牛馬之於委食己者恐民必不

春秋

公羊傳

昭公

二天

稽古樓

從君命也弔亡國曰唁類猶今叩頭慶賀

也餒熟食饗熟肉糗糲也有夫不祥猶曰

人皆有夫不善也行禮賓主當各有所稱

時齊侯以諸侯遇禮接昭公昭公自謙失

國不敢以故稱自稱故執謙問之孰君而

無稱猶曰誰為君者而言無所稱乎噉然

哭聲戚景公言而自傷也菑周埒垣也所

以分別內外衛威儀也芻車覆笭即式也

其禮與其辭足觀矣言昭公素能若此禍不至是

冬十月戊辰叔孫舍卒

十有一月己亥宋公佐卒于曲棘傳曲棘者何宋之邑也諸侯卒其封內不地此何以地憂內也

時宋公聞昭公見遂欲憂納之至曲棘而

卒故恩錄

春秋

公羊傳

昭公

无

稽古樓

十有二月齊侯取運傳外取邑不書此何以書為公取之也

二十有六年春王正月葬宋元公

三月公至自齊居于運

夏公圍成

秋公會齊侯莒子邾婁子杞伯盟于剡陵公至自會居于運

九月庚申楚子居卒

冬十月天王入于成周傳成周者何東周也
其言人何不嫌也

王猛自號王城爲西周天下因謂成周爲
東周招人者篡辭上有天王之文下雖言
人不嫌爲篡入者起其難也

尹氏召伯毛伯以王子朝奔楚

二十有七年春公如齊公至自齊居于運

夏四月吳弑其君僚

春秋

公羊

昭公

三

稽古樓

楚殺其大夫卻宛

秋晉士鞅宋樂祁犁衛北宮喜曹人邾婁人
滕人會于扈

冬十月曹伯午卒

邾婁快來奔傳邾婁快者何邾婁之大夫也
邾婁無大夫此何以書以近書也

說與鼻我同義

公如齊公至自齊居于運

二十有八年春王正月葬曹悼公

公如晉次于乾侯

夏四月丙戌鄭伯甯卒

六月葬鄭定公

秋七月癸巳滕子甯卒

冬葬滕悼公

二十有九年春公至自乾侯居于運

齊侯使高張來唁公

春秋

公羊傳

昭公

三

稽古樓

公如晉次于乾侯

夏四月庚子叔倪卒

秋七月

冬十月運潰傳邑不言潰此其言潰何郭之

也曷為郭之君存焉爾

郭郭郭也郭之猶曰國之但古今異語也

國曰潰邑曰叛公居之故從國言也不言

國之言郭之者公失國也

三十年春王正月公在乾侯

夏六月庚辰晉侯去疾卒

秋八月葬晉頃公

冬十有二月吳滅徐徐子章禹奔楚

三十有一年春王正月公在乾侯

季孫隱如會晉荀欒于適歷

夏四月丁巳薛伯穀卒

晉侯使荀欒唁公于乾侯

春秋

公羊傳

昭公

三

稽古樓

秋葬薛獻公

冬黑弓以濫來奔傳文何以無邾婁通濫也
曷爲通濫賢者子孫宜有地也賢者孰謂謂
叔術也何賢乎叔術讓國也其讓國奈何當
邾婁顏之時邾婁女有爲魯夫人者則未知
其爲武公與懿公與孝公幼顏淫九公子于
宮中因以納賊則未知其爲魯公子與邾婁
公子與臧氏之母養公者也君幼則宜有養

者大夫之妾士之妻則未知臧氏之母者曷
爲者也養公者必以其子入養臧氏之母聞
有賊以其子易公抱公以逃賊至湊公寢而
弑之臣有鮑廣父與梁買子者聞有賊趨而
至臧氏之母曰公不死也在是吾以吾子易
公矣於是負孝公之周愨天子天子爲之誅
顏而立叔術反孝公于魯顏夫人者姬盈女
也國色也其言曰有能爲我殺殺顏者吾爲

春秋

公羊傳

昭公

三

稽古樓

其妻叔術爲之殺殺顏者而以爲妻有子焉
謂之盱夏父者其所爲有於顏者也盱幼而
皆愛之食必坐二子於其側而食之有珍怪
之食盱必先取足焉夏父曰以來人未足而
盱有餘叔術覺焉曰噫此誠爾國也夫起而
致國于夏父夏父受而中分之叔術曰不可
三分之叔術曰不可四分之叔術曰不可五
分之然後受之公扈子者邾婁之父兄也習

乎邾婁之故其言曰惡有言人之國賢若此者乎誅顏之時天子死叔術起而致國於夏父當此之時邾婁人嘗被兵于周曰何故死吾天子通濫則文何以無邾婁天下未有濫也天下未有濫則其言以濫來奔何叔術者賢大夫也絕之則爲叔術不欲絕不絕則世大夫也大夫之義不得世故於是推而通之也

春秋

公羊傳

昭公

三

稽古樓

通濫爲國故使無所繫叔術者邾婁顏公之弟也孝公者不知邾婁外孫邪將妾子邪古者諸侯一娶九女二國媵之而邾婁一國并有九女於魯宮內者蓋所取於邾婁相通爲九人不必盡是一人妻矣則未知其爲魯公子與者爲內通於魯公子也弑弑臧氏子也不知欲弑孝公者納篡邪將利其國邪媼盈女者謂此媼是盈姓之

女殺顏者鮑廣父梁買子也有於顏爲顏
公夫人時所爲顏公生也以來猶曰以彼
物來置我前人夏父自謂也公扈子當夫
子作春秋時於邾婁君爲父兄行者故故
事也言叔術本欲讓迫有誅顏天子在爾
故天子死則讓無妻嫂惑見爭食之事何
故死吾天子猶曰何故死畜吾天子乎以
違生時命而立夏父故也此天子死則讓

春秋

公羊

昭公

三

稽古樓

之效也國未有口繫於人者若通濫是國
宜應特達何故文上無邾婁而已其口仍
繫邾婁言之天下未有濫者天下實未有
濫國春秋新通之爾故口繫於邾婁也絕
之絕濫於邾婁也推猶因也因就大夫竊
邑奔文通之則大夫不世叔術賢心不欲
自絕爾明矣

十有二月辛亥朔日有食之

三十有二年春王正月公在乾侯

取闕傳闕者何邾婁之邑也曷為不繫乎邾

婁諱取也

與取濫為取也二年之間比取兩邑故以

為取而諱之矣

夏吳伐越

秋七月

冬仲孫何忌會晉欒不信齊高張宋仲幾衛

春秋

公羊傳

昭公

三

稽古樓

世叔申鄭國參曹人莒人邾婁人薛人杞人

小邾婁人城成周

十有二月己未公薨于乾侯

春秋公羊傳昭公終

春秋公羊傳

漢何休學

明閔齊伋裁註

定公

元年春王傳定何以無正月正月者正即位也定無正月者即位後也即位何以後昭公在外得人不得入未可知也曷為未可知在季氏也定哀多微辭主人習其讀而問其傳春秋公羊傳定公一稽古樓則未知己之有罪焉爾

主人定哀也設使定哀習其經而讀之問

其訓詁則不知己之有罪於是慎之至也

三月晉人執宋仲幾于京師傳仲幾之罪何

不襲城也其言于京師何伯討也伯討則其

稱人何貶曷為貶不與大夫專執也曷為不

與實與而文不與文曷為不與大夫之義不

得專執也

禮諸侯爲天子治城各有分丈尺裴城者
今以草衣城也

夏六月癸亥公之喪至自乾侯則曷爲於戊辰之
傳癸亥公之喪至自乾侯則曷爲於戊辰之
日然後即位正棺於兩楹之間然後即位于
沈子曰定君乎國然後即位不日此何
以日錄乎內也

正棺云者昭公死於外不得以君臣禮治

春秋

公羊傳定公

二 稽古樓

其喪故示盡始死之禮喪人五日嗣子大
夫授杖已訖可以即位正其臣矣定君乎
國定昭公之喪禮於國也錄乎內者詳錄
內事善得五日變禮也

秋七月癸巳葬我君昭公

九月大雩

立煬宮傳煬宮者何煬公之宮也立者何立
者不宜立也立煬宮非禮也

煬公春秋前公也

冬十月霽霜殺菽傳何以書記異也此災菽也曷爲以異書異大乎災也

異者可以爲人戒也重異不重災君子所以貴教化而賤刑罰也

二年春王正月

夏五月壬辰雉門及兩觀災傳其言雉門及

兩觀災何兩觀微也然則曷爲不言雉門災

春秋公羊傳定公三稽古樓

及兩觀主災者兩觀也時災者兩觀則曷爲後言之不以微及大也何以書記災也

雉門兩觀皆天子之制門爲其主觀爲其飾故曰微

秋楚人伐吳

冬十月新作雉門及兩觀傳其言新作之何

修大也修舊不書此何以書譏何譏爾不務

乎公室也

務勉也

三年春王正月公如晉至河乃復

三月辛卯邾婁子穿卒

夏四月

秋葬邾婁莊公

冬仲孫何忌及邾婁子盟于枝

四年春王二月癸巳陳侯吳卒

三月公會劉子晉侯宋公蔡侯衛侯陳子鄭

春秋

公羊傳

定公

四

稽古樓

四

伯許男曹伯莒子邾婁子頓子胡子滕子薛

伯杞伯小邾婁子齊國夏子召陵侵楚

夏四月庚辰蔡公孫歸姓帥師滅沈以沈子

嘉歸殺之

五月公及諸侯盟于浩油杞伯戊卒于會

作臯融戊二傳作成

六月葬陳惠公

許遷于容城

秋七月公至自會

劉卷卒傳劉卷者何天子之大夫也外大夫不卒此何以卒我主之也

劉卷卽上會劉子召陵之經序之於上此言主之主會明矣

葬杞悼公

楚人圍蔡

晉士鞅衛孔圉帥師伐鮮虞

春秋

公羊傳

定公

五

稽古樓

葬劉文公傳外大夫不書葬此何以書錄我主也

其實以主我恩錄之

冬十有一月庚午蔡侯以吳子及楚人戰于伯莒楚師敗績傳吳何以稱子夷狄也而憂中國其憂中國奈何伍子胥父誅乎楚挾弓而去楚以干闔廬闔廬曰士之甚勇之甚將爲之興師而復讎于楚伍子胥復曰諸侯不

爲匹夫興師且臣聞之事君猶事父也虧君之義復父之讎臣不爲也於是止蔡昭公朝乎楚有美裘焉囊瓦求之昭公不與爲是拘昭公於南郢數年然後歸之於其歸焉用事乎河曰天下諸侯苟有能伐楚者寡人請爲之前列楚人聞之怒爲是興師使囊瓦將而伐蔡蔡請救于吳伍子胥復曰蔡非有罪也楚人爲無道君如有憂中國之心則若時可

春秋

公羊傳

定公

六

稽古樓

矣於是興師而救蔡曰事君猶事父也此其爲可以復讎奈何曰父不受誅子復讎可也父受誅子復讎推刃之道也復讎不除害朋友相衛而不相迺古之道也

迺音峻

士之甚賢士之甚也興師必須因事者其

義可得因公託私而以匹夫興師討諸侯

則不免爲亂矣故曰虧君之義若時若是

時也不受誅罪不當誅也一往一來曰推

刃復讎不除害者取讎身而已不得兼讎
子復將恐害己而殺之也同門曰朋同志
曰友迥出表辭猶先也大司馬田獵習戰
之時爲表百步則一爲三表又五十步爲
一表然則表者謂其戰時旅進旅退之限
約逆者謂不顧步伍勉力先往之意不當
先相擊刺者所以伸孝子之恩也

楚囊瓦出奔鄭

春秋

公羊傳

定公

七

稽古樓

庚辰吳入楚傳吳何以不稱子反夷狄也其
反夷狄奈何君舍於君室大夫舍於大夫室
蓋妻楚王之母也

五年春王正月辛亥朔日有食之

夏歸粟于蔡傳孰歸之諸侯歸之曷爲不言
諸侯歸之離至不可得而序故言我也

離至義見襄五年冬戊辰傳

於越入吳傳於越者何越者何於越者未能

以其名通也越者能以其名通也

越人自名於越君子名之曰越治國有狀能與中國通者以中國之辭言之曰越治國無狀不能與中國通者以其俗辭言之因其俗可以見善惡故云

六月丙申季孫隱如卒

秋七月壬子叔孫不敢卒

冬晉士鞅帥師圍鮮虞

春秋

公羊傳

定公

八

稽古樓

六年春王正月癸亥鄭游邀帥師滅許以許男斯歸

二月公侵鄭公至自侵鄭

夏季孫斯仲孫何忌如晉

秋晉人執宋行人樂祁犁

冬城中城

季孫斯仲孫忌帥師圍運傳此仲孫何忌也

曷爲謂之仲孫忌譏二名二名非禮也

爲其難諱也一字爲名令難言而易諱所以長臣子之敬不逼下也春秋定哀之間文致太平欲見王者治定無所復爲譏唯有二名故譏之也

七年春王正月

夏四月

秋齊侯鄭伯盟于鹹

齊人執衛行人比宮結以侵衛

春秋

公羊傳

定公

九

稽古樓

齊侯衛侯盟于沙澤

大雩

齊國夏帥師伐我西鄙

九月大雩

冬十月

八年春王正月公侵齊公至自侵齊

二月公侵齊三月公至自侵齊

曹伯露卒

夏齊國夏帥師伐我西鄙

公會晉師于瓦公至自瓦

秋七月戊辰陳侯柳卒

晉趙鞅帥師侵鄭遂侵衛

葬曹靖公

九月葬陳懷公

季孫斯仲孫何忌帥師侵衛

冬衛侯鄭伯盟于曲濮

春秋

公羊傳

定公

十

稽古樓

稽古樓

從祀先公傳從祀者何順祀也文公逆祀去者三人定公順祀叛者五人

逆祀義見文二年躋僖公傳順祀者復文

公之逆祀也諫不從而去諫不以禮而去

曰叛不言從祀僖公而言先公者正以閔

公亦得其順是以不得特指之

盜竊寶玉大弓傳盜者孰謂謂陽虎也陽虎

者曷為者也季氏之宰也季氏之宰則微者

也惡乎得國寶而竊之陽虎專季氏季氏專魯國陽虎拘季孫孟氏與叔孫氏迭而食之賊而鉸其板曰某月某日將殺我于蒲圃力能救我則於是至乎日若時而出臨南者陽虎之出也御之於其乘焉季孫謂臨南曰以季氏之世世有子子可以不免我死乎臨南曰有力不足臣何敢不勉陽越者陽虎之從弟也爲右諸陽之從者車數十乘至于孟衢

春秋

公羊傳

定公

十一

稽古樓

臨南投策而墜之陽越下取策臨南駮馬而由于孟氏陽虎從而射之矢著于莊門然而甲起於琴如弑不成却又舍于郊皆說然息或曰弑千乘之主而不克舍此可乎陽虎曰夫孺子得國而已如丈夫何賊而曰彼哉彼哉趣駕旣駕公斂處父帥師而至懂然後得免自是走之晉寶者何璋判白弓繡質龜青

純

賊音鷲鉸音侵乘從音去聲數上聲駮本作撇素動反射音不說音稅懂音芹

鍍其板以爪刻其饋器之上斂藏衣物之
蓋板於是於是時也臨南虎之外生或曰
從其家出而仕於公也御之爲季孫御也
爲右爲季孫車右實衛之也孟衢孟氏衢
四達可以橫去策馬捶也隸馬捶馬銜走
也莊門孟氏所入門名甲公斂處父所帥
也琴如地名二家知出期故於是時起兵
說解舍也望見公斂處父師而曰彼哉再

春秋

公羊傳

定公

上

稽古樓

言之者切遽意判半也半珪曰璋白藏天
子青藏諸侯魯得郊天故錫以白質拊也

純緣也謂緣甲髯也千歲之龜青髯

九年春王正月

夏四月戊申鄭伯囓卒

得寶玉大弓傳何以書國寶也喪之書得之

書

六月葬鄭獻公

秋齊侯衛侯次于五氏

秦伯卒

冬葬秦哀公

十年春王三月及齊平

夏公會齊侯于頰谷公至自頰谷

晉趙鞅帥師圍衛

齊人來歸運謹陰田傳齊人曷為來歸運

謹龜陰田孔子行乎季孫三月不違齊人為

春秋公羊定公

十三 稽古樓

是來歸之

孔子仕魯政事行乎季孫三月之中不見

違過

叔孫州仇仲孫何忌帥師圍郕

秋叔孫州仇仲孫何忌帥師圍費左穀俱作郕

宋樂世心出奔曹

宋公子池出奔陳

冬齊侯衛侯鄭游邀會于鞏

叔孫州仇如齊

宋公之弟辰暨宋仲佗石彊出奔陳

十有一年春宋公之弟辰及仲佗石彊公子

池自陳人于蕭以叛

夏四月

秋宋樂世心自曹人于蕭

冬及鄭平叔還如鄭益盟

十有二年春薛伯定卒

春秋

公羊傳

定公

十四

稽古樓

夏葬薛襄公

叔孫州仇帥師墮郈

衛公孟彊帥師伐曹

季孫斯仲孫何忌帥師墮費傳曷為帥師墮

郈帥師墮費孔子行乎季孫三月不違曰家

不藏甲邑無百雉之城於是帥師墮郈帥師

墮費雉者何五板而堵五堵而雉百雉而城

郈叔孫氏所食邑費季氏所食邑二大夫

宰史數叛患之以問孔子孔子曰陪臣執國命采長數叛者坐邑有城池之固家有甲兵之藏故也季氏悅其言而墮之八尺

曰板

秋大雩

冬十月癸亥公會晉侯盟于黃

十有一月丙寅朔日有食之

公至自黃

春秋公羊傳定公

十五

稽古樓

十有二月公圍成公至自圍成

十有三年春齊侯衛侯次于垂葦

夏築蛇淵囿

大蒐于比蒲

衛公孟彊帥師伐曹

秋趙鞅入于晉陽以叛

冬晉荀寅及士吉射入于朝歌以叛

晉趙鞅歸于晉傳此叛也其言歸何以地正

國也其以地正國奈何晉趙鞅取晉陽之甲以逐荀寅與士吉射荀寅與士吉射者曷爲者也君側之惡人也此逐君側之惡人曷爲以叛言之無君命也

軍以井田立數古之制也假令天子六軍方伯二軍之屬皆以井田多少計出其數故曰軍以井田立數也今趙鞅以此井田之兵逐君側之惡人故云以地正國也

春秋

公羊傳

定公

十六

稽古樓

薛弑其君比

十有四年春衛公叔戌來奔

晉趙陽出奔宋

三月辛巳楚公子結陳公子佗人帥師滅頓

以頓子穀歸

夏衛北宮結來奔

五月於越敗吳于醉李吳子光卒

公會齊侯衛侯于堅公至自會

秋齊侯宋公會于洮

天王使石尙來歸賑傳石尙者何天子之士也賑者何傳實也腥曰賑熟曰燔

組實實組肉也

衛世子蒯聵出奔宋

衛公孟彊出奔鄭

宋公之弟辰自蕭來奔

大蒐于比蒲

春秋

公羊傳定公

七

稽古樓

邾婁子來會公

城莒父及霄

十有五年春王正月邾婁子來朝

鼯鼠食郊牛牛死改卜牛傳曷為不言其所

食漫也

漫者徧食其身災不敬也

二月辛丑楚子滅胡以胡子豹歸

夏五月辛亥郊傳曷為以夏五月郊三卜之

運也

運轉也已卜春三正不吉復轉卜夏三月
周五月也得二吉故五月郊也易曰再三
瀆瀆則不告不得其事雖吉猶不當為也

壬申公薨于高寢

鄭軒達帥師伐宋

齊侯衛侯次于籧條

邾婁子來奔喪傳其言來奔喪何奔喪非禮

春秋公羊定公

也

秋七月壬申妣氏卒傳妣氏者何哀公之母

也何以不稱夫人哀未君也

母以子貴未踰年不得稱公爾

八月庚辰朔日有食之

九月滕子來會葬

丁巳葬我君定公雨不克葬戊午日下昃乃

克葬

十六

稽古樓

辛巳葬定妣傳定妣何以書葬未踰年之君
也有子則廟廟則書葬

哀未踰年也母以子貴故以子正之

冬城漆

春秋

公羊傳

定公

十九

稽古樓

春秋公羊傳定公終

春秋公羊傳

漢何休學

明閔齊伋裁註

哀公

元年春王正月公即位

楚子陳侯隨侯許男圍蔡

麇食郊牛改卜牛

夏四月辛巳郊

春秋公羊哀公

一稽古樓

秋齊侯衛侯伐晉

冬仲孫何忌帥師伐邾婁

二年春王二月季孫斯叔孫州仇仲孫何忌

帥師伐邾婁取濶東田及沂西田癸巳叔孫

州仇仲孫何忌及邾婁子盟于句繹

夏四月丙子衛侯元卒

滕子來朝

晉趙鞅帥師納衛世子蒯聩于戚戚者何

衛之邑也曷為不言入于衛父有子子不得有父也

父得有子而廢之子不得有父之所有故奪其國文正其義也

秋八月甲戌晉趙鞅帥師及鄭軒達帥師戰于栗鄭師敗績

冬十月葬衛靈公

十有一月蔡遷于州來蔡殺其大夫公子駟

春秋

公羊傳

哀公

二

稽古樓

三年春齊國夏衛石曼姑帥師圍戚齊國夏曷為與衛石曼姑帥師圍戚伯討也此其為伯討奈何曼姑受命乎靈公而立輒以曼姑之義為固可以距之也輒者曷為者也蒯聵之子也然則曷為不立蒯聵而立輒蒯聵為無道靈公逐蒯聵而立輒然則輒之義可以立乎曰可其可奈何不以父命辭王父命以王父命辭父命是父之行乎子也不以家

事辭王事以王事辭家事是上之行乎下也

曰伯討者推曼姑得拒之則國夏宜討之矣辭猶不從也靈公命行乎蒯聩重本尊統之義也以父見廢故辭讓不立是家私事聽靈公命立是王事公法也

夏四月甲午地震

五月辛卯桓宮僖宮災傳此皆毀廟也其言

災何復立也曷為不言其復立春秋見者不

春秋公羊哀公三稽古樓

復見也何以不言及敵也何以書記災也

親過高祖親疏適等故曰敵

季孫斯叔孫州仇帥師城開陽

宋樂髡帥師伐曹

秋七月丙子季孫斯卒

蔡人放其大夫公孫獵于吳

冬十月癸卯秦伯卒

叔孫州仇仲孫何忌帥師圍邾婁

四年春王三月庚戌盜弑蔡侯申弑君賤者窮諸人此其稱盜以弑何賤乎賤者也賤乎賤者孰謂罪人也

賤乎賤者賤於稱人者矣

蔡公孫辰出奔吳

葬秦惠公

宋人執小邾婁子

夏蔡殺其大夫公孫歸姓公孫霍

春秋

公羊傳

哀公

四

稽古樓

晉人執戎曼子赤歸于楚赤者何戎曼子之名也其言歸于楚何子北宮子曰辟伯晉而京師楚也

直言晉侯執戎曼子歸于楚卽是伯者執

人歸京師無異故各戎子以避之使若晉

非伯執而赤微者自歸於楚爾

城西郭

六月辛丑蒲社災蒲社者何亡國之社也

社者封也其言災何亡國之社蓋捨之捨其上而柴其下蒲社災何以書記災也

蒲亡國之名天子滅之以封伯禽封封土

為社也据封土非火所能燒故言其災何柴其下故得燒之也捨柴之者絕不得使通天地四方以為有國者戒

秋八月甲寅滕子結卒

冬十有二月葬蔡昭公

春秋公羊哀公

五

稽古樓

葬滕頃公

五年春城比

夏齊侯伐宋

晉趙鞅帥師伐衛

秋九月癸酉齊侯處曰卒

冬叔還如齊

閏月葬齊景公傳閏不書此何以書喪以閏

數也喪曷為以閏數喪數略也

喪服大功以下諸喪當以閏月爲數略猶殺也言大功以下之喪所以得數閏月者

正以恩殺故也

六年春城邾婁

晉趙鞅帥師伐鮮虞

吳伐陳

夏齊國夏及高張來奔

叔還會吳于祖

春秋

公羊傳

哀公

六

稽古樓

秋七月庚寅楚子軫卒

齊陽生入于齊齊陳乞弑其君舍傳弑而立

者不以當國之辭言之此其以當國之辭言

之何爲諉也此其爲諉奈何景公謂陳乞曰

吾欲立舍何如陳乞曰所樂乎爲君者欲立

之則立之不欲立則不立君如欲立之則臣

請立之陽生謂陳乞曰吾聞子蓋將不欲立

我也陳乞曰夫千乘之主將廢正而立不正

必殺正者吾不立子者所以生子者也走矣
與之玉節而走之景公死而舍立陳乞使人
迎陽生于諸其家除景公之喪諸大夫皆在
朝陳乞曰常之母有魚菽之祭願諸大夫之
化我也諸大夫皆曰諾於是皆之陳乞之家
坐陳乞曰吾有所爲甲請以示焉諸大夫皆
曰諾於是使力士舉巨囊而至于中霤諸大
夫見之皆色然而駭開之則闔然公子陽生
也陳乞曰此君也已諸大夫不得已皆逡巡
北面再拜稽首而君之爾自是往弑舍

春秋

公羊傳

哀公

七

稽古樓

諛詐也節信也折王與陽生啗其半爲後

當迎之合以爲信防稱矯也于諸寘也齊

人語也常陳乞子重難言其妻故云常之

母化我義見桓六年傳彼以州公過魯而

無禮謂之化我今此亦以魚菽之薄物枉

屈諸大夫之貴重亦是無禮相過之義故

謂之化我也甲鎧也中央曰中雷色然驚駭貌闖馬出門貌

冬仲孫何忌帥師伐邾婁

宋向巢帥師伐曹

七年春宋皇瑗帥師侵鄭

晉魏曼多帥師侵衛

夏公會吳于鄆

秋公伐邾婁八月己酉入邾婁以邾婁子益

春秋

公羊

哀公

八

稽古樓

來傳入不言伐此其言伐何內辭也使若他人然邾婁子益何以名絕曷爲絕之獲也曷爲不言其獲內大惡諱也

諱獲諸侯故不舉重而兩書使若魯公伐而去他人入之以來者醇順他人來文

宋人圍曹

冬鄭駟宏帥師救曹

八年春王正月宋公入曹以曹伯陽歸傳曹

伯陽何以名絕曷爲絕之滅也曷爲不言其滅諱同姓之滅也何諱乎同姓之滅力能救之而不救也

吳伐我

夏齊人取讜及僂傳外取邑不書此何以書所以賂齊也曷爲賂齊爲以邾婁子益來也

僂二傳作闞

歸邾婁子益于邾婁

春秋

公羊傳

哀公

九

稽古樓

秋七月

冬十有二月癸亥杞伯過卒

齊人歸讜及僂

九年春王二月葬杞僖公

宋皇瑗帥師取鄭師于雍邱傳其言取之何易也其易奈何詐之也

夏楚人伐陳

秋宋公伐鄭

冬十月

十年春王二月邾婁子益來奔

公會吳伐齊

三月戊戌齊侯陽生卒

夏宋人伐鄭

晉趙鞅帥師侵齊

五月公至自伐齊

葬齊悼公

春秋

公羊傳

哀公

十

稽古樓

衛公孟彊自齊歸于衛

薛伯寅卒

秋葬薛惠公

冬楚公子結帥師伐陳吳救陳

十有一年春齊國書帥師伐我

夏陳袁頗出奔鄭

五月公會吳伐齊甲戌齊國書帥師及吳戰

于艾陵齊師敗績獲齊國書

秋七月辛酉滕子虞母卒

冬十有一月葬滕隱公

衛世叔齊出奔宋

十有二年春用田賦傳何以書譏何譏爾譏始用田賦也

田謂一井之田賦者斂取其財也言用田賦者若今漢家斂民錢以田為率矣

夏五月甲辰孟子卒傳孟子者何昭公之夫

春秋公羊哀公十一稽古樓

人也其稱孟子何諱娶同姓蓋吳女也

公會吳于橐臯

秋公會衛侯宋皇瑗于運

宋向巢帥師伐鄭

冬十有二月蠹傳何以書記異也何異爾不時也

十有三年春鄭軒達帥師取宋師于岳傳其言取之何易也其易奈何詐反也

前宋行詐取鄭師今鄭復行詐取之苟相報償故言詐反反猶報也

夏許男戍卒

公會晉侯及吳子于黃池傳吳何以稱子吳主會也吳主會則曷爲先言晉侯不與夷狄之主中國也其言及吳子何會兩伯之辭也不與夷狄之主中國則曷爲以會兩伯之辭言之重吳也曷爲重吳吳在是則天下諸侯

春秋

公羊傳

哀公

十一

稽古樓

莫敢不至也

時吳疆而無道敗齊臨菑乘勝大會中國齊晉前驅魯衛驂乘滕薛挾轂而趨恥甚不可忍言故深爲諱辭晉序上者主會文也吳言及者亦人往爲主之文

楚公子申帥師伐陳

於越入吳

秋公至自會

晉魏多帥師侵衛傳此晉魏曼多也曷為謂之晉魏多譏二名二名非禮也

復就晉見者明先自正而後正人正人當先正大以帥小

葬許元公

九月蠲

冬十有一月有星孛于東方傳孛者何彗星也其言于東方何見于旦也何以書記異也

春秋

公羊傳

哀公

十三

稽古樓

日方出時宿不復見故言東方知為旦

盜殺陳夏疆夫

十有二月蠲

十有四年春西狩獲麟傳何以書記異也何

異爾非中國之獸也然則孰狩之薪采者也

薪采者則微者也曷為以狩言之大之也曷

為大之為獲麟大之也曷為為獲麟大之麟

者仁獸也有王者則至無王者則不至有以

告者曰有麇而角者孔子曰孰爲來哉孰爲來哉反袂拭面涕沾袍顏淵死子曰噫天喪予子路死子曰噫天祝予西狩獲麟孔子曰吾道窮矣春秋何以始乎隱祖之所逮聞也所見異辭所聞異辭所傳聞異辭何以終乎哀十四年曰備矣君子爲爲春秋撥亂世反諸正莫近諸春秋則未知其爲是與其諸君子樂道堯舜之道與末不亦樂乎堯舜之

春秋

公羊傳

哀公

十四

稽古樓

知君子也制春秋之義以俟後聖以君子之爲亦有樂乎此也

叔孫氏之車子鉏商樵于野而獲麟焉以爲不祥棄之五父之衢冉有告孔子曰有麇肉角豈天下之妖乎夫子曰今何在吾將觀焉遂往謂其御高柴曰若求之言其必麟乎到視之曰今宗周將滅無主孰爲來哉茲日麟出而死吾道窮矣乃作歌曰

唐虞之世麟鳳遊今非其時來何由麟兮
麟兮我心憂得麟之後天下血書營端門
曰趨作法孔聖沒周姬亡彗東出秦政起
胡破術書記散孔不絕子夏明日往視之
血書飛爲赤鳥化爲白書署曰演孔圖中
有作圖制法之狀演孔圖云獲麟而作春
秋九月書成祝斷也則未知云者謙不敢
斥言也未不亦樂乎云者何注以爲末不

春秋

公羊傳

哀公

十五

稽古樓

亦樂後有聖漢受命而王德如堯舜者知
孔子之制作也疏解云孔子之道既與堯
舜雅合故得與堯舜相對爲始末然則指
孔子言不亦也堯舜預知有已而制道術
已亦預制春秋以授後人是孔子亦愛慕
堯舜之知君子而效之爾以君子之爲云
者謂孔子所以作春秋亦樂此春秋之道
可以永法故也

哀公終

090.872
23944

2234

袖珍十三經註
春秋公羊傳

河北省立
天津圖書館

090.872
23944

2234

